

**Numere 10:35 Ha areka e ne e tloha, Moshe o ne a re: Raoha, Jehova; dira tsa hao a di ke di qhalwe! mme ba o hloileng, a ba ke ba balehe pela sefahleho sa hao!**

**Deuteronomia 23:5 Leha ho le jwalo, Jehova, Modimo wa hao, ha a ka a dumela ho utlwa Balaame, empa Jehova, Modimo wa hao, thohako eo o o fetoletse yona hlohonolofatso, kahobane Jehova, Modimo wa hao, o a o rata. (Nehemiah 13:2)**

**Dipesaleme 44:4 Modimo, ke wena Morena wa ka! o laole topollo ya Jakobo!**

**Esaia 61:1 Moya wa Morena Jehova o dutse ho nna, hobane Jehova o ntlotositse hore ke tle ke boelle ba madimabe taba tse molemo; o nthomile ho fodisa ba robekileng dipelo, ho bolella ba tlamilweng tokoloho, le ho tsebisa ba teronkong ho bulwa ha yona; (Luka 4:18)**

**Mattheu 6:13 o se ke wa re isa molekong; o mpe o re Iwele ho e mobe; [hobane mmuso ke wa hao, le matla, le kganya ka ho se feleng. Amen!] (Lk11:4)**

**Mattheu 8:16 Yare mantsiboya ha tliswa ho yena ba bangata ba nang le batemona, a leleka meya ho bona ka polelo feela; a fodisa bohle ba seng monate;**

**Mattheu 10:1 Yare ha a bileditse ho yena barutuwa ba hae ba leshome le metso e mmedi, a ba nea matla a ho hlola meya e ditshila, ho e lahlela ntle, le ho fodisa malwetse wohle le mefokolo yohle. (Mareka 3:14,15)**

**Mattheu 10:8 Fodisang ba kulang, le tsose bafu, le ntlafatse balepera, le lahlele batemona ntle; le neilwe feela, neang feela.**

**Mattheu 12:26-29 Satane ha a leleka Satane, eba o kgaohane ho itwantsha; ana mmuso wa hae o ka tiya jwang? 27 Ha ke fela ke leleka batemona ka Beelsebule, bara ba lona, bona ba ba leleka ka mang? E tla ba bona baahlodib a lona ke hona. 28 Empa ekare ha ke leleka batemona ka Moya wa Modimo , le tsebe hoba mmuso wa Modimo o le fihletse ruri. 29 Kapa motho a ka kena jwang tlung ya senatla, ho phahla mesebetsi ya sona, ha a sa ka a tlama senatla seo pele, ebe moo a phahlang ntlo ya sona? (Mareka 3:23-27)**

**Mattheu 12:43-45 Moya o ditshila, ha o tswile ho motho, o ikela dithoteng tse tjheleng ho batla phomolo, o mpe o e hloke. 44 Ke moo o reng: A nke ke boele tlung ya ka eo ke tswileng ho yona. Mme ere ha o fihla teng, o e fumane e le feela, e fietswe, e bile e hlophilwe. 45 Jwale o ye, o late meya e meng e supileng, e o fetisang ka bolotsana, mme e kene, e dule teng; mme taba tsa motho eo tsa ho fela di fetise tsa ho qala ka ho dula hampe. Moloko o lonya ona o tla hlachelwa ke taba e jwalo.**

**Mattheu 15:22,26,28 Teng ha hlaha mosadi wa Mokanana, ya tswang mathokong ao, a howa, a re: Nkutlwelie bohloko, Morena, mora Davida! Moradi wa ka o tshwenngwa hampe ke motemona. 26 Jesu a mpa a mo araba, a re: Ha ho hotle ho amoha bana bohobe ho ba akgela dintjanyana. 28 Jwale Jesu a**

**araba, a re ho yena: Mosadi, tumelo ya hao e kgolo; a ho etswe ho wena kamoo o ratang kateng. Mme moradi wa hae a fola nakong yona eo.**

**Mattheu 16:19 Ke tla o nea dinotlolo tsa mmuso wa mahodimo: hohle hoo o tla ho tlama lefatsheng ho tla tlangwa mahodimong, le hohle hoo o tla ho lokolla lefatsheng ho tla lokollwa mahodimong. (Mattheu 18:18)**

**Mattheu 17:19-21 Yaba barutuwa ba tla ho Jesu kathoko, ba re ho yena: Na re kile ra sitwa keng ho leleka motemona eo? 20 Jesu a re ho bona: Ke ka baka la ho se dumele ha lona; hobane kannete ke re ho lona: Hoja le na le tumelo e ka ka hlaku ya mosetareta, leha le be le ka re ho thaba ena: Fall-ela mane; e ka fallela teng, mme ho ka be ho se letho le le sitang. 21 Empa mofuta oo wa batemona ha o tswe, haese ka thapelo le ka ho itima dijo.**

**Mareka 1:23-26 Sinagogeng ya bona, motho o ne a le teng ya kenweng ke moyo o ditshila; a howa, 24 a re: Taba ya rona le wena ke efe, wena Jesu wa Nasaretha? Hleka o tlile ho re timetsa na? Ke a o tseba, o Mohalaledi wa Modimo. 25 Jesu a kgalemela moyo oo, a re: Kgutsa, o tswe mothong eo. 26 Yaba moyo o ditshila o a mo sisinya, o ntse o howa ka lentswe le leholo, wa ntoo tswe ho yena.**

**Mareka 1:32-34,39 Yare mantsiboya, ha tsatsi le dikela, ha tliswa ho Jesu bohle ba seng monate le ba nang le batemona. 33 Motse kaofela wa bokana pela monyako. 34 A fodisa batho ba bangata ba jwang ke malwetse a mefutafuta, a leleka le batemona ba bangata; mme o ne a sa dumele ha batemona ba bolela hore ba mo tseba. 39 A nna a ruta masinagogeng a bona, naheng yohle ya Galelea, a ntse a leleka le batemona.**

**Mareka 5:8 Hobane Jesu o ne a re ho wona: Tswa mothong eo moyo o ditshila.**

**Mareka 6:7,13 Yaba o bitsa ba leshome le metso e mmedi, a qala ho ba roma ka bobedi; a ba fa matla a ho hlola meya e ditshila; 13 Ba leleka batemona ba bangata, mme ba tlotsa ba kulang ba bangata ka ole, ba ba fodisa.**

**Mareka 9:23-25 Jesu a re ho yena: O reng ha o re ha nka tseba ho thusa? Dum-ela: tsohle di ka etsetswa ya dumelang. 24 Yaba ntata ngwana o phakisa a phahamisa lentswe ka meokgo, a re: Ke a dumela, Morena! nthuse ho se dumeleng ha ka. 25 Jwale, Jesu ha a bona hobane bongata bo a mo math-ela, a kgalemela moyo o ditshila, a re: Moya o sa bueng, o sa utlweng, ke a o laela, nna, ke re: Tswa ho yena, mme o se ke wa hlola o kena ho yena.**

**Mareka 9:29,38,39 A re ho bona: Mofuta oo ha o tswe, haese ka thapelo le ka ho itima dijo. 38 Jwale Johanne a bua le yena, a re: Moruti, re bone e mong ya sa re lateleng a leleka batemona ka lebitso la hao, mme re mo hanetse, kahobane a sa re latele. 39 Empa Jesu a re: Le se ke la mo hanelo; hobane ha ho motho ya ka phakisang a mpolela hampe, ha a entse mohlolo ka lebitso la ka.**

**Mareka 16:17 Mehlolo e tla tsamaya le ba dumetseng ke yona ena: ba tla leleka batemona ka lebitso la ka; ba tla bua dipuo tse ntjha;**

**Luka 4:34-36 a re: Tloha! taba ya rona le wena ke efe, Jesu wa Nasaretha? Na**

**o tlide ho re timetsa? Ke a o tseba hoba o mang: o Mohalaledi wa Modimo.**

**35 Jesu a kgalemela motemona, a re: Kgutsa, o tswe ho yena. Yaba motemona, hobane a mo dihele hare, a tswa ho yena, a sa mo ntshe kotsi.**

**36 Ba makala bohole, ba botsana, ba re: Lentswe lena ke eng, ha a kgalemela meya e ditshila ka borena le ka matla, mme e etswa?**

**Luka 4:41 Le batemona ba tswa ho ba bangata, ba howa, ba re: Ke wena Kreste, Mora wa Modimo. Jesu a mpa a ba kgalemela, a se ke a ba dumella ho bua, kahobane ba ne ba mo tseba hobane ke yena Kreste.**

**Luka 7:21 Ka yona nako eo, Jesu o ne a fodisa ba bangata malwetse, le mafu a bona, le meya e mebe, mme ba bangata ba neng ba foufetse o ne a ba sitsa ka pono.**

**Luka 8:29 A rialo kahobane Jesu a ne a laela moyo o ditshila ho tswa mothong eo. Hobane e ne e se e le kgale o mo tshwere; mme o ne a kile a holehuwa ka mahlaahlela, a tlangwa maoto ka ditshepe; empa o ne a roobile ditlamo tseo, a susumeletswa feelleng ke motemona.**

**Luka 9:40 Ke rapetse barutuwa ba hao, ka re, ba o leleke; ba mpa ba sitwa.**

**Luka 10:17-20 Ba mashome a supileng ba kgutla ba thabile, ba re: Morena, re hlotse le bona batemona ka lebitso la hao. 18 A re ho bona: Ke ne ke tadima Satane a ewa lehodimong jwaloka lehadima. 19 Bonang, ke le neile matla a ho hata dinoha, le diphepheng, le matla wohle a sera; mme ha ho letho le tla le etsa hampe. 20 Leha ho le jwalo, le se ke la thaba kahobane le hlola meya, haholo le thabe kahobane mabitso a Iona a ngodilwe mahodimong.**

**Luka 11:14,20-22 O ne a leleka motemona ya semumu; eitse hobane motemona a tswe, semumu sa bua, mme bongata ba makala. 20 Empa, ekare ha ke leleka batemona ka monwana wa Modimo, mmuso wa Modimo o le fihletse ruri. 21 Mohla senatla se tshwereng marumo, se lebelang ntlo ya sona, mesebetsi ya sona kaofela e ituletse hantle; 22 empa, ha ho ka tla e mong ya se fetisang ka matla, a se hlola, o tla se amoha dihlomo tsohle tseo se di tshepileng, a hapisise tse hapilweng ke sona.**

**Luka 13:32 A re ho bona: Eyang, le bolelle phokojwe eo, le re: Bona, ke leleka batemona, mme ke sa fodisa batho kajeno le hosasane; mme ka la boraro ke ya phetheha.**

**Johanne 14:12 Kannetenete ke re ho Iona: Ya dumelang ho nna, mesebetsi eo ke e etsang, o tla e etsa le yena, o tla etsa le e fetisang ena, kahobane ke ya ho Ntate;**

**Johanne 17:15 Bajuda ba makala ke hona, ba re: Na eo o tseba Mangolo jwang, athe ha a ka a ithuta?**

**Diketso 10:38 kamoo Modimo o tlotsitseng ka Moya o Halalelang kateng, le ka matla Jesu wa Nasaretha, ya neng a tsamaya hohle, a ntse a etsa hantle, a fodisa bohole ba hataketsweng ke Diabolose; hobane Modimo o ne o ena le yena.**

**Diketso 16:17,18 A sala Pauluse le rona morao, a ntse a howa, a re: Banna bao ke bahlanka ba Modimo o hodimodimo ba re bolellang tsela ya poloko. 18 A etsa jwalo ka matsatsi a mangata; empa Pauluse ha a kgathetse ke hona, a reteleha, a re ho moyo: Ke o laela ka lebitso la Morena Jesu Kreste hore o tswe ho yena. Yaba o tswa ka yona nako eo.**

**Diketso 19:11,12 Modimo wa nna wa etsa mehlolo e makatsang ka matsoho a Pauluse. 12 Esita dituku le masela a neng a amile mmele wa hae, a ne a bewa hodima ba kulang, mme malwetse a ne a ba tlohela, le meya e mebe e ne e tswa ho bona.**

**Diketso 26:15-18 Ka re: O mang, Morena? A re: Ke nna Jesu, eo o mo hlorisang. 16 Empa tsoha, o eme ka maoto; hobane ke itlhahisitse ho wena, hore ke tle ke o bee mohlanka le paki ya ditaba tseo o di boneng le ya tseo ke tla itsebisa ho wena ka tsona. 17 Ke tla o lwela setjhabeng sena, le ditjhabeng tseo ke o romelang ho tsona jwale, 18 o tle o tutubolle mahlo a bona, hore ba tlohe lefifing ho kena leseding, ba tlohe le matleng a Satane ho sokolohela ho Modimo, mme ba bone tshwarelo ya dibe tsa bona le lefa hara bahalaledi ka ho dumela ho nna.**

**BaRoma 16:20 Modimo wa kgotso ke wona o tla phakisa o robokele Satane katlasa maoto a Iona. Mohau wa Morena wa rona Jesu Kreste o be le Iona.**

**2 BaKorinthe 2:11 re tle re se ke ra tlatlapuwa letho ke Satane, hobane re hlile re tseba merero ya hae.**

**BaGalata 1:4 ya iteletseng dibe tsa rona, a tle a re namolele lefatsheng la jwale le lebe, ka ho rata ha Modimo, Ntata rona.**

**BaEfese 4:27 mme le se ke la nea Diabolose sebaka.**

**BaEfese 6:11 Aparang dihlomo tsohle tsa Modimo, le tle le tsebe ho hlola dihloho tsohle tsa Diabolose.**

**2 BaThesalonika 3:2,3 mme re namolelw bathong ba kgathatsang le ba Ionya; hobane tumelo hase ya bohole. 3 Empa Morena o a tshepeha; ke yena ya tla le tiisa le ho le sireletsa ho e mobe.**

**2 Timothea 2:26 mme ba tlohe lerabeng la Diabolose, ya ba tshwasitseng hore ba etse kamoo a ratang kateng.**

**2 Timothea 4:18 Mme Morena o tla nne a nnamolele mesebetsing yohle e mebe, mme o tla mpolokela ho kena mmusong wa hae o lehodimong. Ho yena e be kganya ka ho sa feleng. Amen!**

**1 Petrose 5:8 Le tsohe masene, le fadimehe; hobane Diabolose, e leng sera sa Iona, o ntse a dikadika jwaloka tau e purumang, e batlang eo e ka mo jang.**

**1 Johanne 4:4 Bana, haele Iona, le tswa ho Modimo, mme le ba hlotse; hobane ya leng ho Iona o fetisa ka boholo ya leng lefatsheng.**